

**China setuju wujudkan keamanan di Laut China Selatan - Tun Mahathir
AstroAwani
03 November 2019
Najib Aroff,**

BANGKOK: Malaysia berharap segala ketegangan yang wujud di Laut China Selatan dapat diselesaikan menerusi rundingan.

“Mesyuarat bersama China amat penting dan China bersetuju untuk mewujudkan keamanan di Laut China Selatan.

“Kita berharap segala masalah di Laut China Selatan dapat diselesaikan melalui rundingan dan bukannya melalui keganasan mahupun perang.

“China sudah membuat kenyataan mahukan keamanan di Laut China Selatan dan saya percaya mereka tidak akan agresif,” katanya.

Dr Mahathir berkata negara serantau lain juga berikrar untuk tidak melibatkan sebarang keganasan dalam isu berkait Laut China Selatan.

“Masalah kita adalah bukan dari negara ASEAN sebaliknya negara luar yang melakukan provokasi.

“Mereka cuba dapatkan sokongan ASEAN untuk lakukan provokasi kerana mereka bermusuh dengan negara China dan mereka mahu ASEAN bermusuh dengan negara China.

“Namun jika berlaku perang ataupun keganasan, yang menjadi mangsa adalah negara ASEAN dan China kerana ia tidak berlaku di negara luar itu,” katanya.

Isu Laut China Selatan melibatkan tuntutan bertindih kawasan perairan antara negara serantau.

Lebih memburukkan keadaan apabila China dikatakan mula membina struktur ketenteraan di kawasan pertikaian.

© 2019 AstroAwani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/china-setuju-wujudkan-keamanan-di-laut-china-selatan-tun-mahathir-221663>